

4 Bell.

STEPHANI
POLONIÆ REGIS
LITERÆ AD ORDINES
Regni Polonici, de rebus
à se in bello aduersus
Moscos superiori
æstate gestis.

Anno 1580, Die 6. VII^{br.}
ad Vielikolukum
scriptæ.





STEPHANVS Det
gratia Rex Poloniae, magnus Dux Litho-
uaniae, Russiae, Prussiae, Samogitiae, Li-
uoniaeque, Transluaniae Princeps. Reue-
rendiss. Reuerendis, Magnificis, Nobili-
bus, Famatis, Archiepiscopis, Episcopis,
Palatinis, Castellanis, Regni nostri Senatoribus: præterea
cuiusuis ordinis subditis nostris sincerè fidelibus nobis dilectis
Gratiam nostram Regiam. Reuerendissimi, Reueren-
di, Magnifici, Generosi, Nobiles, Famati, sincerè fideles
nobis dilecti. Notum facimus, quām libenter & decreta
communibus Reipublicæ comitijs geramus, & de rebus à
nobis gestis, Sinc. & Fidel. vestras faciamus certiores.

Cum superioribus proximis Reipublicæ Comitijs plau-
euisset bellum contra Moschouia Ducem suscepsum conti-
nuari: nihil prætermisimus, quod posset ad illud recte atque
ordine administrandum, & in primis ad exercitus cum
veteres retinendos, tum nouos conscribendos pertinere. qui-
bus omnibus postquam, ut ad Ciusniciam (quo loco nos, &
Russiae, contra iniurias Moschi, præsidio esse posse, & ad
primarias alias atque alias arces hostiles, peropportunos a-
ditus habituros intelligebamus) certo die conuenirent, edi-
xissemus: Nos Vilna profecti, eodem ad octauum Iulij men-
sis diem peruenimus. ac in primis frequentiore & Sena-
torum nostrorum & hominum militarium conuentu, de
belli administratione & quod porissimum arma in hostem
inferremus, ad concilium nostrum retulimus. in quo, etsi
variae initio dictæ sententiae fuissent: eò tamen descensum
postea est, ut Vielikolukum nobis cum exercitu ante o-
mnia mouendum, eamque arcem omni conatu oppugnan-
dam concluserimus: secuti quām maximè cum ipsam se-

riem & quasi tenorem gerendarum rerum, qui nos ex locis anno superiore proximo expugnatis, re recenti, Vielkolukum vocare & ducere visus est; tum Russa defensionem, quam vniuersam, eò loci cum exercitu progreffi, nos ab hostili vi tueri posse intelligebamus. Præterea Lucensis arcis situs, fama, ditionis amplitudine, rverrate (qua exercitus nostri sine ditionum nostrarum detrimento ali ac sustineri possent) opportunitate denique ad signa nostra penitus in hostilia loca inferenda, hostemque ad aliquam prælii dimicationem eliciendum, ceteraque deinceps ex Vielkoluko facilius promptiusq; administranda adducli. Habeto igitur exercitus nostri delectu, ex agro Cijsniciensi, Vitepscium profecti sumus: quo in itinere cum arces duas hostiles (Vielescium unam, in Dunæ ripa Vitepscio ex superiore fluminis loco oppositam; atq; alteram Vsjuiatum, qua ad amnem cognominem in Dunam fluvium illabentem, & proprius Lukum versus ferentem, sita est) exclusuras nos tormentorum & commeatus ad exercitus nostros supportandi commoditate accepissemus, & ceterò cum studium nobis esset Dunam flumen magis magisq; ab hoste in potestatem nostram vindicare; quò res maiore celeritate conficeretur; magnificum Ioannem de Samaysczie Regni nostri Cancellarium, & cum ijs copijs, quas hoc in bellum nobis adduxit, & alijs additis, Vielescium oppugnandi causa premisimus. qua ex arce cum unius dicti oppugnatione præsidium hostile feliciter deiecisset, nos ea potiti (præmissa primo agmine Lithuanicarum copiarum parte) Vsjuiatum cum exercitu accessimus. locumque, munitionibus oppugnadi causa iam actis, metu potius admoto quam vi adhibita, deditione cepimus.

Inde contractis in itinere copijs omnibus, quas duarum istarum arcium oppugnatio diuiserat, mouimus, & superata locorum inde ab Cijsnicia incredibili vastitudine itinere

itinere & summo cum labore militum ac ingenti difficultate, qua Vsiatum, quia Vielescum exercitus iuere, & per assidas densissimasque sylvas) facto, Vielikolukum progres- si, ad arcem vigesima sexta mensis Augusti die castra me- tati sumus. que in castra cum id temporis ab magno Mo- schouie Duce legati ad nos venissent, nulla interposita mora eos audiuiimus. Verum cum à nobis, contra omnes no- stras rerum gerendarum rationes, contraque dignitatem nostram, postularent, ut nos in Lithuania cum exercitu reserremus, negarentque, nisi id ante omnia fecissemus, se per Principis sui mandata quidquam de ista legationis causa dicere posse; nos repudiata & postulationis indignitate & insidiosa tergiuersatione, non cessandum rati, eundem Ioannem de Samoyscie Cancellarium cum copijs suis atratis, ceterisque, quas ad Vielescum habuerat, tum o- mni nostro peditatu Polonico atque Vngarico, trans flumen proprius arcem castra alia facere, atque ibi curare iussimus: illaque ex parte nulla mora munitionibus, quibus visum est locis, actis, & quo oportebat perductis; ipsis Kalendis Septembris oppugnationem maiore apparatu ac conatu su- sceperimus, nihilq; aut lenitatis aut terroris prætermisimus, aut oppugnationis non adhibuimus, quò integra arce porti- remur. Verum cum & præsidiorum summa esset lo- ci retinendi pertinacia, & ultima sibi expectanda coniu- rassem, & arx (non modò loci natura in edito, planissi- mis circum locis, partim intra fluminis Louatij, partim in- tra lacuum complexus sita; nec tantummodò consuetis an- te hac Moschis parietum densissimorum contignationibus firma: sed aggere etiam densissimo ac latissimo & cespice extrinsecus obducto; tum, quia flumen aut lacus non am- biunt, fossa maiore munitissima) omnino Polociam omni genere firmitatis superaret; adhac præsidium validum, & Polocie aliarumque arcium propugnatione (è quibus à

nobis anno superiore impetrata salute discesserant) exerci-
tatum inesset, ut omnino sine maiore militum nostrorum
interitu ac diuturniore obsidione, si in instituto permane-
remus, expugnari non posse videretur: necessario res nobis
incendio experiunda fuit. quod cum magna militum no-
strorum virtute & discrimine, primum ex Vngarorum
peditum munitionibus illatum & hoste incredibilem in
modum restinguente, sapienter per triduum repetitum atque
diutius altum esset, ut deinde ex altera etiam parte per
militem Polonicum & atratas illas cohortes (aggere ad pro-
pugnaculum maius ad ligneras usque substructiones suffosso)
nocte ante quintam Septembris diem maius conflaretur;
præsidium vero, quoad igni iam temperari nullo modo pos-
set, ab obstinatione hostili non discederet: factum est, ut &
arcem flamma, & quicquid propè hominum in arce fuit,
(per militarem iracundiam hostili, illa pertinacia, & ac-
ceptis in oppugnatione incommodis, et eorum, qui Polocia ac
exteris ex arcibus iam antea occupatis impunè dimis-
serant, hoc in loco ad hostilia redditu irritatam) quinta istius
mensis die prima luce deleuerit. Dum hac in oppugna-
tione versati sumus, Oratores magni Moschouie Ducis ite-
rum apud nos dicendi potestatem sibi fieri petierunt; qua
impetrata, cum ea exponerent, quæ honeste nobis & Reip.
paci, & sarcendi incommodis, quæ ab eo hoste accepta
sunt, minime satisfacerent, leuioraque omnia, quam no-
stra dignitas & iura Reipub. paterentur, proponerent:
ostendimus nos ad istiusmodi descendere non posse. cumque
illi alia mandata se hoc tempore non habere dixissent, &
a nobis peterent, ut dare ad magnum suum Ducem Mo-
schouie literas liceret, quibus eum de nostra voluntate atq;
conditionibus redderent certiores; ne quid prætermis-
sideremur, quod ad spem iustæ honestæq; pacificationis fa-
cere posset, & nostras dedimus ad Moschum literas & Ora-
tores

4

tores dare suis permisimus : ad quas cum responderit, qua
voluntate sit, certius fortasse cognoscemus. Nos hæc Sinc.
& Fidel. vestras scire voluimus. Cumque ea, quæ adhuc
benè & feliciter gesta sunt, vni Deo, grata cum animi pie-
tate, accepta referamus, parq; sit, ut illi benevolenti & pro-
pitio & nos & omnes in Republ. nostra (ad cuius hæc uti-
litatem & laudem in primis redundant) gratias agamus:
hortamur Sinc. & Fidel. vestras, ad ea omnia gratarum
mentium studia, que supplicationibus, alijsque rebus, quo-
ties benè gesta est Respub. suscipi consueuerunt. Quem-
admodum hæc res porrò administranda, & hic locus nobis
tuendus & retinendus sit, de hoc pro tempore consilium
capimus. Quæ deinceps è Republ. geri à nobis hoc bello
poterunt, in ijs studium, consilium, curam, operam omnem
nostram libenter consumemus. Benè valeant Sinc. &
Fidel. vestrae. Datum ex castris nostris, ad arcem
nostram Vielikolukum, die Sexta mensis VIIbris.

Anno Domini M. D. L X X X.

Regni nostri Quinto.

Ex literis, 18. Octobris, Regio-
monte Borussiæ datis.

Regem Poloni nacli sunt virtute, sapientia, eruditio-
ne, magnitudine animi, & artibus belli præstantem;
iusticiæ amantem; cædibus, libidinibus & alijs flagitijs.
infensissimum. Is cum hostem petiturus Vilnam veniret,
proditorem ex Lithuania magnatibus quendam depre-
hensum, iudicio Lithuanicorum & Polonicorum Senato-
rum damnatum, capitis pœna affecit. Vilna egressus in ho-
stem, mirabilem Dei præsentiam & tutelam expertus est.

Nam

Nam cum in Lithuaniae cuiusdam principis villa pernoctatus esset, et Regi exitium puluere bombardico struxisset, cumque una cum eadibus perdere cogitasset: fraudem nidor pulueris detexit: et Regem presenti periculo liberavit, et proditori meritas penas attulit. Cetera quae consequuta sunt, malore ex Regijs, quam meis, cognoscere.

Vnum addo de clade quorundam Polonorum. Cum victoriam Regis, prefectus Orsenensis audisset, collecta suorum manu ad 2500. Schmolenciam usque excurrerit. Hostes arbitrantes integrum regium esse exercitum, non ausi sunt contra prodire. Interim Poloni, missa a Moschorum Principe auxilia adoruntur, fundunt, et præda magna potiti Orsam repetunt. Verum Moschi ex captiis, cognita nostrorum paucitate, insequantur, et nihil tale timentes opprimunt, ita ut de toto exercitu vix 500. cum Ducibus fuga Orsam elapsi sint.



1928 b 525